

卷之四

三輔黃圖序



易曰上古穴居而野處後世聖人
易之以宮室上棟下宇以待風雨
蓋取諸大壯三代盛時未聞宮室
過制秦穆公居西秦以境地多良
材始大宮觀戎使由余適秦穆公
示以宮觀由余曰使鬼為之則勞

神矣使人為之則苦人矣是則穆
公時秦之宮室已壯大矣惠文王
初都咸陽取岐雍巨材新作宮室
南臨渭北踰涇至於離宮三百復
起阿房未成而亡始皇并滅六國
憑藉富強益為驕侈殫天下財力
以事營繕項羽籍入關燒秦宮闕三

月火不滅漢高祖有天下始都長

安寔曰西京欲其子孫長安都於

此也張安本秦之鄉至孝武皇帝

承文景菲薄之餘恃邦國早繁之

資上木之後倍秦越舊斤斧之聲

畚鍤之勞歲月不息蓋騁其邪心

以誇天下也昔孔子作春秋築一

次行低三格接三輔
沿革

臺新一門必書於經謹其廢農時
奪民力也今哀採秦漢以來宮殿
門闕樓觀池苑在關輔者著於篇
曰三輔黃圖云東都不與焉

三輔黃圖目錄

卷之一

三輔沿革

三輔治所

京兆

咸陽故城

宮

馮翊

扶風

黃陽宮

平陽宮

步壽宮

漸年宮

棧揚宮

橐泉宮

號宮

梁山宮

西垂宮

步高宮

長揚宮

信宮

興樂宮

蘭池宮

望夷宮

漢長安故城

秦漢風俗

都城十二門

霸城門

覆盎門

章城門

洛門

朝宮

鐘宮

林光宮

阿房宮

雲閣

清明門

鼎路門

直城門

厨城門

宣平門

便門

雍門

橫門

卷之二

長安九市

長安八街

長安城中閭里

漢宮

長樂宮

桂宮

卷之三

長樂宮

鴻臺殿

長信宮

未央宮

未央宮

北宮

建章宮

甘泉宮

昭華殿

溫室殿

宣室殿

溫室殿

清涼殿

宣明殿

廣明殿

昆德殿

玉堂殿

麒麟殿

金華殿

承明殿

掖庭宮

掛房殿

昭陽殿

飛翔殿

增成殿

合歡殿

蘭林殿

披香殿

鳳凰殿

鴛鴦殿

安處殿

常寧殿

芷若殿

掛風殿

發越殿

蕙草殿

高門殿

非常殿

織室

凌室

暴室

弄田

內謁者署

金馬門

路幹廡

建章宮

駘蕩宮

馭安宮

天梁宮

枹詣宮

奇華殿

鼓簧宮

神明臺

北宮

壽宮

明光宮

太子宫中甲觀畫堂

甘泉宮

鈞弋宮

昭臺宮

長定宮

長門宮

永信宮

中安宮

諸元宮

犬臺宮

葡萄宮

步壽宮

梁山宮

黃山宮

回中宮

三良宮

集靈宮

集仙宮

存仙殿

存神殿

望仙臺

望仙觀

崇梨宮

竹宮

宜春宮

扶荔宮

五柞宮

宣曲宮

鼎湖宮

思子宮

萬歲宮

首山宮

明光宮

池陽宮

養德宮

日華宮

曜華宮

此二宮不在三輔

卷之四

苑園

周靈園

漢上林苑

甘泉苑

御宿苑

思賢苑

博望苑

西郊苑

三十六苑

樂游苑

宜春下苑

梨園

池沼

周靈沼

漢昆明池

鎬池

滄池

太液池

唐中池

百子池

十池

飲飛外池

秦酒池

影娥池

琳池

鶴池

冰池

卷之五

臺榭

周靈臺

漢靈臺

栢梁臺

漸臺

神明臺

通天臺

涼風臺

魚池臺

酒池臺

著室臺

鬪雞臺

走狗臺

壇臺

韓信射臺

果臺

東西山吉室

鈞弋臺

通靈臺

望鵠臺

眺瞻臺

桂臺

商臺

避風臺

長楊榭

辟靡

周辟靡

漢辟靡

明堂

周明堂

漢明堂

園丘

太學

宗廟

太上皇廟

高祖廟

高園

原廟

惠帝廟

文帝廟

景帝廟

武帝廟

昭帝廟

宣帝廟

元帝廟

成帝廟

寢廟園

新室九廟

南北郊

天郊

右土沘陰

社稷

官社

觀樓館

濛章觀

青梧觀

封巒觀

龍臺觀

成山觀

地郊

甘泉園丘

官稷

飛廉觀

射熊觀

白楊觀

涿休觀

僊人觀

屬玉觀

石闕觀

長平觀

細柳觀

霸昌觀

蘭池觀

禁觀

當市觀

麒麟館

含章館

安臺觀

董賢觀

旗亭樓

朱蓬館

淪沮觀

蒼龍觀

馬伯騫樓

龍興館

卷之六

閣

石渠閣

未央宮堯閣

署

虎威

天祿閣

白虎閣

章溝

麒麟閣

屬車閣

八堂

庫

武庫

靈金內府

倉

大倉

細柳倉

嘉倉

廐

未央大廐

六廐

九廐

霸昌馬廐

都廐

中廐

圈

秦獸圈

漢獸圈

虎圈

橋

橫橋

渭橋

霸橋

陵墓

便門橋

飲馬橋

漢十五陵

王莽妻德年陵

雜錄

禁中

省中

鹵簿

清道

靜室

離宮

行在所

陛下

蘭館

蠶室

鐘室

作室

長安御溝

闕觀

塾

城

掖門

闈闈

永巷

蠻夷邸

關中水

恒源號

三輔黃圖目錄

次行接前易曰云

三輔黃圖卷之一

三輔沿革

禹貢九洲舜置十二牧雍其一也古豐鎬之地平王東遷以岐豐之地賜秦襄公至孝公始都咸陽秦孝公計徙離咸陽咸陽在九峻山渭水北山水俱在南故名咸陽秦并天下置內史以領關中項籍滅秦分其地為三以章邯為雍王都廢立平司馬忻為塞王都櫟陽董翳為翟王都高奴今謂之三秦漢高祖入關定三秦元年更為渭南郡九年罷郡復為內史五年高帝在洛陽宴敬詔曰夫秦地地被山帶河四塞以為固卒然有急百萬眾可必具因秦之故資甚美膏腴之地此所



謂天府陛下入關而都之山東雖亂秦故地可全而有
也又田肯賀高帝曰陛下治秦中秦形勢之國帶河阻
山持戟百萬秦得百二焉地勢便利其以下兵接諸侯
猶居高屋之上建瓴水也自是漢始都之景帝不置左
右內史此為右內史武帝太初元年改內史為京兆尹
與左馮翊右扶風謂之三輔其理俱在長安古城中

三輔治所

京兆在故城南尚冠里

京大也天子曰兆民公羊曰

馮翊在故城內太

上皇廟西南

馮馮也其地今同州

扶風在夕陰街北

扶持也助也言

三輔者謂主爵中

尉及左右內史漢武帝改曰京兆尹

左馮翊右扶風共治長安城中是為三輔三輔郡皆有

都尉如諸郡京輔都尉治華陰左輔都尉治高陵右輔

都尉治郿王莽分長安城旁六鄉置帥各一人分三輔

為六都尉渭城安陵以西北至栒邑義渠十縣屬京尉

大夫府居故長安寺高陵以北十縣屬師尉大夫府居

故廷尉府新豐以東至湖十縣屬尉大夫府居城東

霸陵杜陵以東至藍田西至武功郁夷十縣屬光祿大

夫府居城西茂陵槐里以西至汧十縣屬扶尉大夫府

居城西長陵池陽以北殺綏十縣屬列尉大夫府居後

漢光武之後扶風出治槐里馮翊出治高陵

引黃圖云京兆在尚冠里馮翊出治高陵

東陽渭水長城砥柱左

咸陽故城

自秦孝公至始皇帝胡亥竝都此城案孝公十一年作咸陽築冀闕徙都之始皇二十六年徙天下高貴富豪於咸陽十二萬戶諸廟及臺苑皆在渭南秦每破諸侯徹其宮室作之咸陽北坂上南臨渭自雍門以東至涇渭殿屋複道周閣相屬所得諸侯美人鍾鼓以充之二十七年作信宮渭南已而更命信宮為極廟象天極自極廟道通驪山作甘泉前殿築甬道自咸陽屬之始皇窮極奢侈築咸陽宮因北陵營殿端門四達以制紫宮象帝居引渭水灌都以象天漢橫橋南渡以法牽牛橋

廣六丈南北二百八十步六十八間心百五心柱二百

一十二梁橋之南北隄繳立石柱咸陽北至九變甘泉

南至鄠杜東至河西至汧渭之交東西八百里南北四

百里離宮別館相望聯屬木衣綈綉土被朱紫宮人不

移樂不改懸窮年忘歸猶不能編

宮馳道閣四字宋本無

貢陽宮秦文王所起在今鄠縣西南二十三里

棧揚宮秦昭王所作在今岐州扶風縣東北

西垂宮文公元年居西垂宮

平陽封宮武公元年伐彭戲氏至于華山下居於平陽

封宮是也

橐泉宮皇覽曰秦穆公冢在橐泉宮祈年觀下

步高宮在新豐縣亦名市丘城

步壽宮在新豐縣步高宮西

號宮秦宣太后起在今岐州號縣界

長揚宮在今盩厔縣東南三十里本秦舊宮至漢修飾

之以備行幸宮中有垂楊數畝因為宮名門曰射熊觀

秦漢游獵之所

祈年宮穆公所造廟記曰祈年宮在城外秦始皇本紀

祈年宮在雍

梁山宮始皇幸梁山在好時

信宮亦曰咸陽宮解在前

興樂宮秦始皇造漢修飾之周回三十餘里漢太后常居之

朝宮始皇三十五年以咸陽人多先王之宮庭小白吾

間周文王都豐武王都鎬豐鎬之間帝王之都也乃營

朝宮於渭南上林苑中可受十萬人車行酒騎行及

千人唱萬人和收天下兵占以聚之咸陽銷以為鐘

錄高三丈鍾小者皆千石也銷鋒鏑以為金人十二以

弱天下之人立於宮門三廟講時坐高三丈銘

其後曰皇帝二十六年初兼天下改諸侯為郡縣一法

律同度量大人來見臨洮其大五丈足跡六尺銘李斯

篆蒙恬書董卓悉摧破銅人銅臺以為小錢英雄記曰

昔大人見臨洮而銅人鑄臨洮生卓而銅人毀天下大
亂卓身滅抑有以也餘二人魏明帝欲徙詣洛陽清明
門裏載至霸城重不可致便留之

阿房宮亦曰阿城惠文王造宮未成而亡始皇廣其宮
規模三百餘里離宮別館彌山跨谷輦道相屬閣道通

驪山八十餘里表南山之顛以為闕絡樊川以為池作
阿房前殿東西五十步南北五十丈上可坐萬人下建

五丈旗以木蘭為梁以磁石為門磁石門在阿房北

度渭屬之咸陽以象太極閣道抵管室也阿房宮未成
欲更擇令名名之作宮阿基旁故天下謂之阿房宮隱

宮徒刑者十餘萬人乃分作阿房宮

或作驪山蘭池宮始皇三十一年為微行咸陽與武士

四人俱夜出逢盜蘭池注渭城縣有蘭池宮

鍾宮在鄠縣東北二十五里始皇收天下兵銷為鍾

此或其處也

馳道案秦本紀始皇二十七年治馳道注曰馳道天子

道也蔡邕曰馳道天子所行道也今之中道然漢書賈

山傳曰秦為馳道於天下東窮燕齊南極吳楚江湖之

上濱海之觀畢至道廣五十步三丈而樹厚築其外隱

以金推樹以青松漢令諸侯有制得行馳道中者行旁

道無得行中央三丈也不如令沒入其車馬

雲閣二世所造是雲閣欲與南山齊

望夷宮在涇陽縣界長平觀道東北臨涇水以望北夷

以為宮名

林光宮胡亥所造從廣各五里在雲陽縣界

漢長安故城

漢之故都高祖七年方修長安宮城自櫟陽徙居此城
本秦離宮也初置長安城本狹小至惠帝更築之按惠
帝元年正月初城長安城二年春發長安六百里內男
女十四萬六千人三十日罷城高三丈五尺下闊一丈
五尺六月發徒隸二萬人治城至五年復發十四萬五
千人三十日乃罷九月城成高三丈五尺下闊一丈五

尺上闊九尺雉高三板周回六十五里城南為南斗形

北為北斗形至今人呼漢京城為斗城是也漢舊儀曰

長安城中經緯各長三十二里十八步地九百七十三

頃八街九陌三宮九府三廟十二門九市十六橋地皆

黑壤今赤如火堅如石父老傳云盡鑿龍首山上為城

水泉深二十餘丈樹宜槐與榆松柏茂盛焉城下有池

周繞廣三丈深二丈石橋各六丈與街相直

秦漢風俗

漢志曰秦有四塞之固昔后稷封豨公劉處豳大王徙

岐文王作豐武王治鎬其民有先王遺風好稼穡本業

故函詩言農桑衣食之業甚備秦都咸陽徙天下豪富

十二萬戶漢高帝都長安徒諸齊田楚屈昭景及諸功臣於長陵後世世徙吏二千石高貴富人及豪傑兼并之家於諸陵強本弱末以制天下是故五方錯雜風俗不一貴者崇侈靡賤者薄仁義富強則商賈為利貧窶則盜賊不禁閭里嫁娶尤尚財貨送死過度故漢之京輔號為難理古今之所同也

都城十二門

長安城東出南頭第一門霸城門民見門色青名曰青城門或曰青門門外舊出佳瓜廣陵人邵平為秦東陵侯秦破為布衣種瓜青門外瓜美故時人謂之東陵瓜廟記曰霸城門亦曰青綺門漢書王莽天鳳三年霸城

門災莽更霸城門曰仁壽門無禮亭

長安城東出第二門曰清明門一曰籍田門以門內有

籍田倉一曰凱門漢書平帝元始四年東風吹屋瓦且

盡即此門也漢宮殿疏曰第二門名城東門莽更名曰

宣德門布恩亭

長安城東出北頭第一門曰宣平門民間所謂東都門

漢書曰成帝建始元年有白蟻群飛蔽日從東都門至

輶道又疏廣太傅受少傅上疏乞骸骨歸公卿大夫為

設祖道供饗東都門外即此門也其郭門亦曰東都即

逢萌掛冠處也王莽更名春王門正月亭東都門至外

郭亭十三里

長安城南出東頭第一門曰覆盎門一號杜門廟記曰
覆盎門與洛門相去十三里二百一十步門外有魯班
輸所造橋工巧絕世長樂宮在城中近東直杜門其南
有下杜城漢書集註云故杜陵之下聚落也故曰下門
又曰端門北對長樂宮漢書曰戾太子所斫覆盎門出
奔湖王莽更名曰永清門長茂亭

長安城南出第二門曰安門亦曰鼎路門北對武庫王
莽更名曰光禮門顯樂亭

長安城南出第三門曰西安門北對未央宮一曰便門
即平門也古者平便皆同字武帝建元二年初作便門
橋跨渡渭水上以趨陵其道易直二輔決錄曰長安城

西門曰便橋橋北與門對因號便橋王莽更名曰信平
門誠正亭

長安城西出南頭第一門曰章城門漢宮殿疏曰章城
門漢城西面南頭第一門三輔舊事曰章門亦曰光畢
門又曰便門漢書成帝元延元年章城門牡自亡城
云杜所缺下開者王莽改曰萬秋門億年亭

長安城西出第二門曰直城門漢宮殿疏曰西出南頭
第二門也亦曰故龍樓門門上有銅龍本名直門王莽
更曰直道門端路亭

長安城西出北頭第一門曰雍門本名西城門王莽改
曰章義門著義亭其水北入有壘里民呼曰壘里門

長安城北出東頭第一門曰洛城門又曰高門漢宮殿
疏曰高門長安北門也又名鶴雀臺門外有漢武承露
盤在臺上

長安城北第二門曰厨城門長安厨在門內因為門名
王莽更名建子門廣世亭

長安城北出西頭第一門曰橫門漢書虜上小女陳持
弓走入光門即此門也門外有橋曰橫橋漢書作走

音橫

漢城門皆有候門候主候時謹啓閉也三輔決錄曰長
安城面三門四面十二門皆通達九達以相經緯衢路
平正可並列車軌十二門三塗洞闢隱以金椎周以林

木左右出入為往來之徑行者升降有上下之別班固
西都賦云披三條之廣路立十二之通門又張衡西京
賦云城郭之制則旁開三門參塗夷庭方軌十二街衢
相經是也

次行低三格接長安
九市

三輔黃圖卷之二

長安九市

廟記云長安市有九各方二百六十六步六市在道西
三市在道東凡四里為一市致九州之人在突門夾橫
橋大道市樓皆重屋又曰旗亭樓在杜門大道南又有
當市樓有令署以察商賈貨財買賣貿易之事三輔都
尉掌之直市在富平津西南二十五里即秦文公造物
無二價故以直市為名張衡西京賦云郭開九市通閭
帶闐旗亭重立俯察百隧是也又案郡國志長安大俠
黃子夏居柳市司馬季主卜於東市是錯朝服斬於東
市西市在醴泉坊

長安八街九陌

有香室街夕陰街尚冠前街二輔舊事云長安城中八街九陌漢書劉屈氂妻鼻首華陽街京兆尹張敞走馬章臺街陳湯斬郅支王首縣葦街張衡西京賦云參塗夷庭街街相經屢里端直薨宇齊平是也

長安城中間里

長安間里一百六十室居櫛比門巷修直有宣明建陽昌陰尚冠修城黃棘比煥南平等里漢書萬石君奮徙家長安戚里宣帝在民間時常在尚冠里劉向列女傳節女長安大昌里人也

宮

長樂宮本秦之興樂宮也高皇帝始居櫟陽七年長樂宮成徙居長安城三輔舊事宮殿疏皆曰興樂宮秦始皇造漢修飾之周回二十里前殿東西四十九丈七尺兩村中三十五丈深十二丈長樂宮有鴻臺有臨華殿有溫室殿有信宮長秋永壽永寧四殿高帝居此宮後太后常居之孝惠至平帝皆居未央宮漢書宣帝元康四年神爵五采以萬數集長樂宮五鳳三年鸞鳳集長樂宮東闕中樹上王莽改長樂宮為常樂室在長安中近東直社門

未央宮漢書曰高祖七年蕭何造未央宮立東闕北闕

闕門觀地制釋名曰闕在門兩旁中央闕然為道也

於未央宮起高門武臺殿漢武故事云神明殿在未央宮王莽改未央宮曰壽成室前殿曰玉路堂如路寢也按舊圖漸臺織室凌室皆在未央宮○建章宮武帝太初元年栢梁殿災粵巫勇之曰粵俗有火災即復起大盛以厭勝之帝於是作建章宮度為千門萬戶宮在未央宮西長安城外帝於未央宮營造日廣以城中為小乃於宮西跨城池作飛閣通建章宮構輦道以上下道乘輦道何也宮之正門曰閭闔閭闔者以象天門也高二十五丈亦曰璧門左鳳闕闕注曰有金鳳高丈餘漢諸右神闕神闕注曰有金鳳高丈餘漢諸北起別風闕在閭闔門內以其出宮垣也高五十五丈對

峙井幹樓高五十丈輦道相屬為連閣皆有吳憲連閣也以雲氣鳥獸其形果懸然前殿下視未央其西則廣中殿受萬人三輔舊事云建章周回三十里東起別風闕高二十五丈乘高以望遠又於宮門北起圓闕高二十五丈上有銅鳳凰赤眉賊壞之西京賦云圓闕聳以造天若雙碣之相望是也廟記云建章宮北門高二十五丈建章北闕門也又有鳳凰闕漢武帝造高七十丈五尺鳳凰闕一名別風闕又云嶢嶢闕在圓闕門內二百步繁欽建章序云秦漢規模廓然泯毀惟建章鳳闕聳然獨存雖非象魏之制亦一代之巨觀古歌云長安城西有雙闕上有雙銅雀一鳴五穀熟再鳴五穀熟按

銅雀即銅鳳凰也楊震關輔古語云長安民俗謂鳳凰
闕為貞女樓詞馬相更辭云未嘗章貞女有樹長鉞劫大觀
駱漢書曰建章宮南有玉堂壁門三層臺高三十丈玉
堂內殿十二門階陛皆玉為之鑄銅鳳高五尺飾黃金
樓屋上下有轉樞向風若翔椽首薄以壁玉因曰壁門
建章有駘蕩駁沙梯詣天梁奇寶鼓簧等宮又有玉堂
神明堂疏圃鳴鑾奇華銅柱函德二十六殿太液池唐
中池

桂宮漢武帝造周回十餘里漢書曰桂宮有紫房複道
通未央宮關輔記云桂宮在未央北中有明光殿土山
複道從宮中西上城至建章神明臺蓬萊山三秦記未

央宮漸臺西有桂宮中有明光殿皆金玉珠璣為飾
處處明月珠金祀玉階畫夜光明又西京雜記云武帝
為七寶牀雜寶按廁寶屏風列寶帳設於桂宮時人謂
為四寶宮疑誤相疑始疑末

此宮在長安城中近桂宮俱在未央宮北周回十里高
帝時制度草創孝武增修之中有前殿廣五十步珠簾
玉戶如桂宮漢書曰呂太后崩孝惠皇后廢處此宮又
曰哀帝崩貶皇太后趙氏為恭成皇后退居此宮皇后
薄氏退居桂宮

甘泉宮一曰雲陽宮史記秦始皇二十七年作甘泉宮
及前殿築甬道疑自咸陽屬之關輔記曰林光宮

小注十字在色字下

一曰甘泉宮秦所造在今池陽縣西故甘泉山宮以山
為名賦曰甘泉宮周匝十餘里漢武帝建元中增
廣之周十九里去長安三百里望見長安城黃帝以來
圓立祭天處音義漢書禮書有林樹松雲離神祠下
之墟也武帝造闕於南以象方色於甘泉宮更置前殿
始造宮室有芝生甘泉殿邊房中房中神樂有漢舊儀云
芝有九莖芝韓輒知芝金色綠葉朱實夜有光乃作芝
房之歌帝又起紫殿文刻鑄鑄以玉飾之成帝永
始四年行幸甘泉郊祭時神光降於紫殿今按甘泉谷
北岸有槐樹今謂王樹根幹盤峙三二百年木也楊震

校本周
去秦所
二字

右漢一段俱低二格

關輔古語云耆老相傳咸以謂此樹即楊雄甘泉賦所
謂王樹青葱也甘泉水有高光宮又有林光宮有長定宮
竹宮通天臺通靈臺武帝作迎風館於甘泉山後如露
寒儲胥二館皆在雲陽甘泉中西廂起彷彿觀築甘泉
苑建元中作石闕封巒鳩鵲觀於苑垣內宮南有昆明
池苑南有棠梨宮
漢未央長樂甘泉宮四面皆有公車公車主受奏
司馬門凡言司馬者宮垣之內兵衛所在司馬主武事
故謂宮之外門為司馬門按漢官衛令諸出入殿門公
車司馬廄者皆亦不如令罰金四兩王莽改公車司馬
門曰王路四門分命諫大夫四人受章疏以通下情節

宣室温室清凉皆在未央宫殿北宣明廣明皆在未央殿東昆德玉堂皆在未央殿西

宣室未央前殿正室也淮南子曰周武王殺紂於宣室漢取舊名也漢書曰文帝受釐宣室夜半前席賈生問鬼神之事即此也又王莽地皇四年城中少年朱弟張魚等燒宮莽避火宣室前殿火輒隨之

温室殿武帝建冬處之温暖也西京雜記曰温室以椒塗壁被之文繡香桂為柱設火齊屏風鴻羽帳規地以劉賓黈能漢書曰孔光為尚書令歸休與兄弟妻子燕語終不及朝省政事或問温室省中樹何木光不應譖京房奏朝臣會織温室

清凉殿夏居之則清凉也亦曰延清室漢書曰清室則

中夏含霜即此也董偃常卧延清之室以畫石為牀文

如錦紫琉璃帳以紫玉為盤如屈龍皆用雜寶飾之侍

者於外扇偃偃曰玉石豈須扇而後涼邪又以玉晶為

盤貯冰於膝前玉晶與冰同潔侍者謂冰無盤必融濕

席乃拂玉盤墜冰玉俱碎玉晶千塗國所貢也武帝以

此賜偃

麒麟殿未央宮有麒麟殿漢書哀帝燕董賢父子於麒麟殿視賢曰吾欲法堯禪舜如何王闕曰天下乃高皇

帝天下非陛下之天下也陛下奉承宗廟當傳之無窮

安可妄有所授帝業至重天子無戲言上默然不悅

既注
廬殿屋
廬也

金華殿未央宮有金華殿漢書曰成帝初方尚學召鄭
寬中張禹說尚書論語於金華殿中

承明殿未央宮有承明殿著述之所也班固西都賦序
云內有承明著作之庭即此也漢書武帝謂嚴助曰君

厭承明之廬又成帝鴻嘉二年雉飛集承明殿屋
蒼龍白虎朱雀玄武天之四靈以正四方王者制宮闕

殿閣取法焉

掖庭宮在妖野

椒房殿在未央宮以椒和泥塗取其温而芬芳也武帝

時後宮八區有昭陽飛翔增成合歡蘭林披香鳳凰鶯

鶯等殿後有增修安處常寧臨若椒風發越蕙草等殿

為十四位成帝趙皇后居昭陽殿其殿有女弟俱

為婕妤好貴傾後宮昭陽舍蘭房椒壁其中庭彤朱而庭

也髹漆切皆銅沓門黃金塗白玉堦壁帶生往往為黃

金缸函蓋田璧明珠翠羽飾之自後宮未嘗有焉班婕

妤居增成舍後宮八區增哀帝時畫賢女弟為昭儀居

舍號曰椒風

高門殿漢書曰汲黯請見高門注曰未央宮高門殿也

又哀帝時鮑宣諫曰陛下擢臣巖沈誠真有益毫毛豈

欲臣美食大官重高門之地

非常室漢書成帝綏和二年鄭通里人王褒絳衣小冠

帶劍入北司馬門殿東門上前殿至非常室中解

惟組結佩之召前殿署長業等曰天帝令我居此業等
收縛考問乃故公車大誰卒病狂易不自知入宮下獄
死大辯者主問辨長以辯以辯因謂為官而變

賜棋

織室在未央宮又有東西織室織作文編郊廟之服有
令史

凌室在未央宮藏冰之所也爾雅七月篇曰納于凌陰
周官凌人職掌藏冰天祭祀飲食則供冰漢書惠帝四
年織室凌室災
暴室主掖庭織作染練之署謂之暴室取暴曬為名耳
有嗇夫官屬

弄田在未央宮弄田者燕遊之田天子所戲弄耳漢書
昭帝紀曰始元元年上耕于鉤盾弄田應劭注云帝時
年九歲未能親耕帝籍鉤盾官宦者近署故往試耕為
戲弄成帝建始三年小女陳持弓年九歲闖入尚方掖
門至未央殿鉤盾禁中

內謁者署在未央宮屬少府續漢書云掌宮中步帳褻
物丁字漢官云令秩計石

金馬門宦者署武帝時大宛馬以銅鑄像立於署門因
以為名東方朔主父偃嚴安徐樂皆待詔金馬門即此
路軫廐在未央宮中掌宮中輿馬亦曰未央廐漢書白
武帝時期門郎上官桀遷為未央廐令

右未央宮

駘蕩宮春時景物駘蕩蒲宮中也

駘安宮駘安馬行疾貌馬行迅疾一日之間遍宮中言

宮之大也

枹詣宮枹詣木名宮中美木茂盛也

天梁宮梁木至於天言宮之高也四宮皆在建章宮

奇華殿在建章宮旁四海夷狄罷服珍寶火浣布切玉

刀巨象大雀師子宮馬充塞其中

鼓簧宮漢宮閣疏云鼓簧宮周匝一百三十步在建章

宮西北

神明臺漢書曰建章有神明臺廟記曰神明臺武帝造

祭仙人處上有承露盤有銅仙人舒掌捧銅盤玉杯以

承雲表之露以露和玉屑服之以求仙道長安記仙人

掌大七圍以銅為之魏文帝徙銅盤折聲聞數十里

右建章宮

壽宮北宮有神仙宮壽宮張羽旗設供具以禮神君神

君來則肅然風生帷帳皆動

明光宮武帝太初四年秋起在長樂宮後南與長樂宮

相連屬漢書元后傳曰成都侯商嘗疾欲避暑從上借

明光宮蓋即此王莽建國元年改明光宮為安館安定

太后居之

太子宮甲觀太子宮有甲觀畫堂漢書甲漢

注曰云俱大字

書曰孝成皇帝元帝太子也母曰王皇后元帝在太子
宮生甲觀畫堂元后傳曰見於丙殿此其例也畫堂謂
宮殿中彩畫之堂也

右北宮

鈞弋宮列仙傳曰鈞弋夫人姓趙氏河間人少好酒病
卧六年右手鈞拳飲食少望氣者云東北有貴人推而
得之見召安色佳麗武帝反其手得玉鈞而手展有寵
生昭帝姓姬十四月上曰聞昔堯十四月而生今鈞弋
亦然乃命所生門曰堯母門所居曰鈞弋宮自夫人加
婕妤後得罪掖庭獄死及殯香一月昭帝即位追尊為
皇太后更葬之發冢亦二萬人起陽陵其棺觀但有彩

履王褒雲陽記曰鈞弋夫人從至甘泉而卒尸香聞十
餘里葬雲陽武帝思之起通靈臺於甘泉宮有一青鳥
集臺上往來至宣帝時乃不至漢武故事曰鈞弋宮在
直門之南也

昭臺宮在上林苑中孝宣霍皇后立五年廢處昭臺宮
後十二歲徙雲林館乃自殺

長定宮林光宮中有長定宮三輔決錄曰后從帝行幸
於甘泉宮居長定宮孝成許皇后廢處昭臺宮歲餘徙
長定宮

長門宮雜宮在長安城孝武陳皇后得幸頗如居長門
宮

永信宮孝哀帝尊恭皇太后曰帝太后稱永信宮
中安宮孝哀帝尊恭皇太后曰帝太后稱中安宮

儲元宮在長安城西漢書外戚傳曰信都太后與信都
王俱居儲元宮

犬臺宮在止林苑中長安西二十八里漢書江充召見
犬臺宮

葡萄宮在上林苑西漢成帝元壽三年單于來朝以太
歲厭勝所舍之此宮

步壽宮秦亦有步壽宮今按其地與秦異則秦漢各有
步壽宮耳漢投桐宮宣帝神爵二年鳳凰集投桐宮
鳳集處得玉寶乃起步壽宮

投本犬
作犬

投桐

梁山宮梁山好時界即禹貢云壺口治梁及岐又古公亶父
踰梁山于岐下及秦立梁山宮皆北山下也史記秦本
紀始皇三十二年幸梁山宮即此也

黃山宮在興平縣四三十里武帝微行西至黃山宮即
此也

回中宮史記秦始皇二十七年巡隴西北地出筭頭過
回中漢書文帝十四年匈奴入蕭關殺都尉燒回中宮
侯騎至雍武帝元狩四年幸雍通回中道遂北出蕭關
又有三良宮相近

集靈宮集山宮存仙殿存神殿望仙臺望仙觀俱在華
陰縣界皆武帝宮觀名也華山記及三輔舊事云昔有

古公亶父

太元真人茅盈內記始皇三十一年九月庚子盈曾祖
父蒙於華山乘雲駕龍白日昇天先是邑人謠曰神仙
得者茅初成駕龍上昇入太清時下玄洲戲赤城繼世
而往在我盈帝若學之脯嘉平漢武帝內傳曰魯女生
長樂人初餌胡麻乃永絕穀八十餘年少壯色如桃華
一日與親知故人別入華山後五十年先識者逢女於
廟前乘白鹿從王母人因識之謝其鄉里而去又神仙
傳曰中山衛叔卿常乘雲車駕白鹿見漢武帝將臣之
叔卿不言而去武帝悔求得其子度令追其父登華岳
見父與數人坐於石上敕度令還又華山記弘農鄧紹
八月晚入華山見童子執五綵囊盛柏葉露食之武帝

即其地造宮幾歲時祈禱焉漢書云華陰縣有集靈宮
又有望仙觀在華陰縣

棠梨宮在甘泉苑垣外雲陽南三十里

竹宮甘泉祠宮也以竹為宮天子居中漢舊儀云竹宮
去壇三里

宜春宮本秦之離宮在長安城東南杜縣東近下杜

扶荔宮在上林苑中漢武帝元鼎六年破南越起扶荔

宮始以植所得奇草異木菖蒲百本山薑十本甘

蕉十二本留求子十本桂百本密香栝甲花百本龍眼

荔枝檳榔檄攬千歲子甘橘皆百餘本上木南北異宜
歲時多枯瘁荔枝自交趾移植百株于庭無一生者連

年猶移植不息後數歲偶一株稍茂終無華實帝亦珍惜之一旦萎死守吏坐誅者數十人遂不復時矣其實則歲貢焉郵傳者疲斃於道極為生民之患至後漢安帝時交趾郡守極陳其弊遂罷其貢

五柞宮漢之離宮也在扶風蓋座宮中有五柞樹因以為名五柞皆連抱上枝覆蔭數畝

宣曲宮在昆明池西孝宣帝曉音律常於此度曲因以為名宮

鼎湖宮在湖城縣界蓋田一畝在昔黃帝採首山銅以鑄鼎鼎成有龍下迎帝仙去小臣攀龍髯而上者七十二人漢武帝於此建宮

思子宮武帝寤戾太子無辜被殺作思子宮為歸來望思之臺於湖

萬歲宮武帝造汾陰有萬歲宮宣帝元康四年幸萬歲宮神爵翔集以元康五年為神爵紀元年

首山宮漢武帝元封元年封禪後夢高祖坐明堂朝羣臣於是祀高祖於明堂以配天還作首山宮以為高靈

館
明光宮武帝求仙起明光宮發燕趙美女二千人充之

率取二十以下十五以上年滿三十者出嫁之掖庭令

憲其籍時有死出者隨補之
池陽宮在池陽南上原之阪有長年阪去長安五十里

養德宮趙王如意年幼未能就外傳戚姬養之趙王內
傳趙媼傳之號其室曰養德宮云

右甘泉宮

日華宮河間獻王德築日華宮置客館二十餘區以待
學士自奉養甚薄不踰賓客

曜華宮梁孝王好營宮室苑囿之樂作曜華宮築苑園
園中有百靈山有膚寸石落狻巖栖龍岫又有鴈池池
間有鶴洲鳥渚其諸宮觀相連延亘數十里奇果異樹
珍禽怪獸畢有王日與宮人賓客弋釣其中

右日華曜華宮營構不在三輔然皆漢之
諸王所建以附宮室篇末

右日華云云依二格

漢畿內千里並京兆治之內外官館一百四十五所班
固西都賦云前乘秦嶺後越九峻東薄河華西涉岐雍
宮館所歷百有餘區秦離宮三百漢武帝往往脩治之

次行低三格接苑有

三輔黃圖卷之三

三輔黃圖卷之四

苑園

周靈園文王園也詩曰王在靈園麀鹿攸伏麀鹿濯濯
 白鳥翯翯毛長註曰園所以域養禽獸也天子百里諸
 侯四十里靈者言文王之有靈德也靈園言道行於苑
 園也孟子曰文王之園方七十里苑者往馬雉兔者
 往馬與民同其利也文王靈園在長安縣西四十里
 漢上林苑即秦之舊苑也漢書云武帝建元三年開上
 林苑東南至藍田宜春鼎湖御宿昆吾旁南山而西至
 長楊五柞北繞黃山瀕渭水而東周袤三百里離宮七
 十所皆容千乘萬騎漢宮殿疏云方三百四十里漢舊

儀云上林苑方三百里苑中養百獸天子秋冬射獵取
之帝初脩上林苑羣臣遠方各獻名果異卉二千餘種
道其中亦有製為美名以標奇異茂陵富民表廣漢藏
金鉅萬家僮八九百人於北山下築園東西四里南北
五里激流水注其中構石為山高十餘丈連延數里養
白鸚鵡紫鴛鴦鵝牛青兕奇獸玃禽委積其間積沙為
洲以激水為波濤致江鷗海鶴孕雛產鵝延漫林池奇
樹異草靡不培植屋皆徘徊連屬重閣脩廊行之移晷
不能徧也廣漢後有罪誅沒入為官園鳥獸草木皆移
入上林苑也上林苑有昆明觀武帝置又有薊觀平樂
觀遠望觀燕昇觀觀象觀便門觀白鹿觀三爵觀陽祿

陰德觀鼎郊觀膠木觀漆唐觀魚鳥觀元華觀走馬
觀拓觀上蘭觀郎池觀當路觀皆在上林苑又舊儀曰
上林有令有尉禽獸簿記其名數又有上林詔獄主治
苑中禽獸官館之事屬水衡又上林苑中有六池市郎
宮殿魚臺犬臺獸圈

甘泉苑武帝置緣山谷行至雲陽三百八十一里西入
扶風亢周回五百四十里苑中起宮殿臺閣百餘所有
仙人觀石闕觀封巒觀鳩鵲觀解在觀閣門觀在雲陽
御宿苑在長安城南御宿川中漢武帝為離宮別館禁
禦宿不得以往來遊觀止宿其中故曰御宿三秦記云
御宿園出栗十五枚一勝大黎如五勝落地則破其取

蔡先以布囊承之號曰含消此園黎也
思賢苑孝文帝為太子立思賢苑以招賓客苑中有堂
室六所各館皆廣廡高軒屏風幃褥甚麗廣陵王胥有
勇力常於別園學格熊後遂能空手搏之莫不絕脰後
為獸所傷陷腦而死
博望苑武帝為太子據為太子為太子開博望苑以通賓
客漢書曰武帝年二十九乃得太子甚喜太子冠為立
博望苑使之通賓客從其所好又云博望苑在長安城
南杜門外五里有遺址
西郊苑漢西郊有苑園林麓藪澤連亘綴以周垣四百
餘里離宮別館三百餘所

三十六苑漢儀注大僕牧師諸苑三十六所分布北邊
西邊以郎為苑監宦官奴婢三萬人養馬三十萬疋養
鳥獸者通名為苑故謂之牧馬處為苑
樂遊苑在杜陵西北宣帝神爵三年春起
宜春下苑在京城東南隅元帝紀法東隅曲池是梨園雲陽宮記
曰雲陽車箱坂下有梨園一項梨數百株青翠繁密望
之如車蓋

池沼

周文王靈沼在長安西三十里詩曰王在靈沼於物魚躍
漢昆明池武帝元狩四年穿在長安西南周回一百里西
南夷傳曰天子遣使求身毒國市竹葉毒國即天竺也

大夏時親國可數千竹杖欄蜀所從來曰從而為昆明所閉
天子欲伐之越雋昆明國有滇池地方三百里故作昆明
池以象之以習水戰因名曰昆明池漢麟西地三
成卒乃大修昆明池也三輔舊事曰昆明池地三百三
相十二頃中有戈船各數十樓船百艘船上建戈矛四角
悉垂幡旒葆麾蓋照燭涯涘圖曰上林苑有昆明池周
匝四十里廟記曰池中後作豫章大船可載萬人上起
宮室因欲遊戲養魚以給諸陵祭祀餘付長安厨三輔
故事又曰池中有豫章臺及石鯨刻石為鯨魚長三丈
每至雷雨常鳴吼鬣尾皆動一說甘泉宮南有昆明池

小注
池上黑色

池中有靈波殿皆以桂為殿柱風來自香又曰池中有
龍首船常令宮女泛舟池中張鳳蓋建華旗作權
歌關輔古語曰昆明池中有二石人立牽牛織女於池之
東西以象天河張衡西京賦曰昆明靈沼黑水玄池牽
牛立其右織女居其左今有石父石婆神祠在廢池疑
此是也武帝初穿池得黑土帝問東方朔東方朔曰西
域胡人知乃問胡人胡人曰劫燒之餘灰也三秦記曰
昆明池中有靈沼名神池云堯時洽水嘗停於此池
通白鹿原原人釣魚綸絕而去夢於武帝求去其釣三
日戲於池上見大魚銜素帝曰豈不敷昨所夢耶取

鈞放之間三日帝復遊池池濱得明珠一雙帝曰豈昔

魚之報邪錫池在昆明池之比即周之故都也南記曰長安城西

有錫池在昆明池比周匝二十二里漢地二十二頃史

記曰秦始皇帝三十六年使者從關東夜至華陰縣平

舒道有人持璧遮使者曰為吾遺錫池君因言曰今年

祖龍死使者問其故忽不見置其璧去使者奉璧具以

聞始皇默然良久曰山鬼不過知一歲事退言曰祖龍

者人之先也祖龍使御府視壁乃二十八

年渡江所沈壁也滄池在長安城中舊

滄池在長安城中舊圖云未央宮有滄池言池水蒼色

故曰滄池太液池在長安故城西建章宮北未央宮西南太液者

言其津潤所及廣也關輔記云建章宮北有池以象北

海刻石為鯨魚長三丈漢書曰建章宮北治大池名曰

故曰滄池

太液池在長安故城西建章宮北未央宮西南太液者

言其津潤所及廣也關輔記云建章宮北有池以象北

海刻石為鯨魚長三丈漢書曰建章宮北治大池名曰

太液池中起三山以象瀛洲蓬萊方丈刻金石為魚龍

奇禽異獸之屬瀛洲一名東洲亦曰深洲有樹名曰

上直上枝葉如華蓋華蓋一名青蓋以避風雨有金

為龍之狀懸火精為相刻黑玉為鳥以飾之觀飾

然如鳳身紺翼丹名曰蓬萊則香風清

以雲霧高二蒙蓋里而名於日月淺有細石如金

不名如東高上常淨者有服如山上架樓室向明

以後妖邪三月上巳張樂於池上

十池上林苑有初池麋池牛首池蒯池積草池東陂池西陂池當路池大臺池即池牛首池在上林苑中西頭蒯池生蒯草以織席西陂池即池皆在古城南上林苑中陂郎二水名因為池積草池中有珊瑚樹高一丈二尺一本三柯上有四百六十二條南越王趙佗所獻號為烽火樹至夜景常煥然

少府修飛外池漢儀注飲飛具繒繳以射鳧鴈給祭祀故有池元帝紀

秦酒池在長安故城中廟記曰長樂宮中有魚池酒池池上有肉多樹秦始皇造漢武行舟於池中酒池北起

臺天子於上觀牛飲者三千人又曰武帝作以夸羌胡飲以鐵盃重不能舉皆抵牛飲西征賦云酒池監於商辛追覆車而不悟

影娥池武帝鑿池以觀月其旁起望鵲臺以眺月影入池中使宮人乘舟弄月影名影娥池亦曰眺瞻臺

琳池昭帝元始元年穿林池廣千步池南起桂臺以望遠東引大液之水池中植分枝荷一莖四葉狀如駢蓋日照則葉低蔭根莖若葵之衛足名曰低光荷實如玄珠可以飾佩花葉難萎或覆之氣徹十餘里食之令人口氣常香益脈治病宮人貴之每遊燕出入必皆含露或剪以為衣或折以障日以為戲弄帝時命水嬉遊燕

次行低三格接臺
榭

水曰士人進一匪槽帝曰挂楫松舟其猶重朴况乎此
槽可得而乘耶乃命以文梓為船木蘭為栝刻飛燕翔
鷁飾於船首隨風輕漾畢景忘歸起商臺於池上
鶴池在長安城西盤池在西北並廢
冰池在長安西舊圖云西有麗池亦名聖女泉蓋冰彫
聲相近傳說之訛也

三輔黃圖卷之四

三輔黃圖卷之五

臺榭

周文王靈臺在長安西北四十里詩序曰靈臺民始附
也文王受命而人樂其有靈德以及鳥獸昆蟲馬鄭玄
注云天子有靈臺者所以觀稷象察氣祥也文王受命
而作邑于豐立靈臺詩曰維始靈臺庶民子來經之營
之不日成之劉向新序云周文王作靈臺及為池治掘
得死人之骨吏以聞于文王文王曰更葬之吏曰此無
主矣文王曰有天下者天下之主有一國者一國之主
寡人者死人之主又何求主遂令吏以衣棺更葬之天
下聞之皆曰文王賢矣澤及枯骨又况於人乎問靈臺

高二丈周回百二十步漢靈臺在長安西北八里漢始
 曰清臺本為候者觀陰陽天文之變更名曰靈臺郭延
 生述征記曰長安宮南有靈臺高十五仞上有渾儀張
 衡所制又有相風銅鳥遇風乃動一曰長安靈臺上有
 相風銅鳥千里風至此鳥乃動又有銅表高八尺長一
 丈三尺廣尺二寸題云太初四年造
 栢梁臺武帝元鼎二年春起此臺在長安城中北關內
 三輔舊事云以香栢為梁也帝嘗置酒其上詔羣臣和
 詩能七言詩者乃得上太初中臺災漸臺在未央宮太
 液池中高十丈漸浸也言為池水所漸又一說漸臺星名
 法星以為臺名未央宮有金池池中有漸臺王莽死於此

神明臺見建章宮

通天臺武帝元封二年作甘泉通天臺漢舊儀云通天
 者言此臺高通于天也漢武故事築通天臺於甘泉去
 地百餘丈望雲雨悉在其下望見長安城武帝時祭泰
 乙上通天臺舞八歲童女三百人祠祀招仙人祭泰乙
 云令人升通天臺以候天神天神既下祭所若大流星
 乃舉烽火而就竹宮望拜上有承露盤仙人掌擎玉杯
 以承雲表之露元鳳間自毀椽楠皆化為龍鳳後風雨
 飛去西京賦云通天眇而竦峙徑百常而莖擢上辯華
 以交紛下刻隋其若削亦曰候神臺又曰望仙臺以候
 神明望神仙也

涼風臺在長安故城西建章宮北關輔記曰建章宮北作涼風臺積水為樓

長樂宮有魚池臺酒池臺秦始皇造又有蒼臺臺闕臺走狗臺壇臺漢韓信射臺又未央有果臺東西山二

臺未央宮有鈎弋臺通靈臺觀官

望鵠臺眺蟾臺桂臺商臺避風臺磁觀池

長楊榭在長楊宮秋冬較獵其下命武士搏射禽獸天

子登此以觀焉臺上榭

辟靡

周文王辟靡在長安西北四十里亦曰璧靡如璧之圓雅之以水象教化流行也詩曰於論鼓鍾於樂辟靡毛

萋注云論思也水旋立如辟靡以節觀者鄭玄注云文

王作靈臺而知人之歸附作靈沼靈囿而知鳥獸之得

其所以為音聲之道與政通故合樂以詳之

漢辟靡在長安西北七里漢書河間獻王來朝獻雅樂

武帝對之三雍宮即此禮樂志曰成帝時捷為郡水濱

得古磬十六枚劉向說帝宜興辟靡焉

明堂

周明堂明堂所以正四時出教化天子布政之宮也黃

帝曰合宮堯曰衢室舜曰總章夏后曰世室殷人曰陽

館周人曰明堂先儒舊說其制不同或曰明堂在國之

陽大戴禮云明堂九室一室有四戶八牖凡三十六戶

漢太學在長安西北七里董仲舒策曰太學賢士之關
教化之本原也王莽作宰衡時建象子舍萬區起市郭
上林苑中三輔舊事云漢太學中有市有獄

宗廟

宗尊也廟貌也所以鬻鬻先人尊貌也漢立四廟祖宗
廟異處不序昭穆太上皇廟在長安西北長安故城中
香室街南鴻翔府北關輔記曰在酒池北

高祖廟在長安西北故城中關輔記曰秦廟中鍾四枚
皆在漢高祖廟中三輔舊事云高廟鍾重十二萬斤漢
舊儀云高祖廟鍾十枚各受十石撞之聲聞百里漢書
文帝時盜取高廟玉環故事又云光武至長安宮闕以

宗廟燒蕩為墟乃徙都洛陽取十廟合於高廟作十二

室大常卿一人別治長安並知高廟事高廟有便殿凡

言便殿便室便坐者皆非正大之處所以就便安也○

高園於陵上作之既有正寢以象平生正殿路寢也又

立便殿於寢側以象休息閑宴之處也○孝惠更於渭

北建高帝廟謂之原廟○惠帝廟在高帝廟後

文帝廟號顧成廟文帝自為廟制度廟在長安城南

文帝故曰靈臺不日成廟在長安城南

景帝廟號德陽宮景帝廟也廟在長安城南

武帝廟號龍淵今長安西咸陽東有其處作銅飛龍故

以冠名城... 昭帝廟號特回

宣帝廟號樂遊

宣帝廟號樂遊... 昭帝廟號特回... 宣帝廟號樂遊... 昭帝廟號特回...

元帝廟號長壽

成帝廟號陽池

太上皇高祖有寢廟園原廟昭靈后高祖武哀王昭昭

昭太后昭皆有寢園衛思后昭昭太后昭皆有寢園

昭太后昭皆有寢園衛思后昭昭太后昭皆有寢園

昭太后昭皆有寢園

元成之世祖宗廟在都國者亦合百六十七所京

師自高祖至宣帝與太上皇悼皇考各自居陵旁立廟

并為百七十六又園中各有寢便殿日祭於寢月祭於

殿時祭於便殿寢日四上食廟歲二十五祠便殿四歲

祠又月一遊衣冠四時祭宗廟用大牢列侯皆獻酎金

以助祭漢儀諸侯王歲以戶口酎

黃金於漢廟皇帝臨受獻金金不如斤兩色惡王削縣

侯免國注云因八月嘗酎會諸侯廟中出金助祭謂之

酎金酎正月旦作酒八月成三重釀醇酒也味厚故以

薦宗廟金黃金也不如法者奪爵又冊封諸王必於祖

廟冊命之示不敢專也武帝元封六年王元封六年侯也周末諸侯

廉并銅馬置之西門外為平樂觀董卓悉銷以為錢
屬王觀在扶風屬王水鳥似鵝鵠以名觀也又曰屬王
似鵝而大長頸赤目紫紺色宣帝甘露二年十月
青梧觀在五柰宮之西觀亦有梧桐樹下有石麒麟
二枚刊其胸文字是秦始皇驪山墓上物也頭高一丈
三尺東邊者前左脚抗處有赤如血父老謂其有神皆
含血屬筋馬

射熊觀在長楊宮出梓好自擊熊司馬相如從至
石闕觀封巒觀雲陽宮記云宮東北有石門山岡巒糾
紛干霄秀出有石巖容數百人上起甘泉觀甘泉賦云
封巒石闕弭迤乎延屬

白楊觀在昆明池東

長平觀在池陽宮臨涇水

龍臺觀在曹永西北近渭

逐心觀在上林苑

細柳觀在長安西北三輔舊事云漢文帝大將軍周亞
夫軍於細柳今呼古微是也

成山觀成王在東萊不夜縣於其西築宮闕以為觀

觀不在三輔
例見宮室門

仙人觀霸昌觀蘭池觀安臺觀淪沮觀在城外又有禁
觀董賢觀蒼龍觀當市觀旗亭樓馬伯騫樓在城內
麒麟朱烏龍興含章皆館名

三輔黃圖卷之五

三輔黃圖卷之六

閣

石渠閣蕭何造其下確石為渠以導水若今御溝因為
閣名所藏入關所得秦之圖籍至於成帝又於此藏秘
書焉三輔故事曰石渠閣在未央宮殿北藏秘書之末

天祿閣藏典籍之所漢官殿疏云天祿麒麟閣蕭何造
以藏秘書處賢才也劉向於成帝之末校書天祿閣專
精覃思夜有老人著黃衣植青藜杖叩閣而進見向暗
中獨坐誦書老父乃吹杖端煙然因以見向授五行洪
範之文恐詞說繁廣忘之乃裂裳及紳以記其言至曙
而去請問姓名云我是太乙之精天帝聞卯金之子有

博學者下而觀焉乃出懷中竹牒有天文地圖之書曰
余略授子焉至子欲從授其術向亦不悟此人馬

麒麟閣廟記云麒麟閣蕭何造漢書宣帝思股肱之美
乃圖霍光等十一人於麒麟閣

三秦記云未央宮有堯閣廟記云未央宮有白虎閣屬
車閣

署

虎威章溝皆署名漢有長水中壘屯騎虎賁越騎步兵
射聲胡騎八營宿衛王宮周廬直宿處

庫

武庫在未央宮蕭何造以藏兵器

靈金內府太上皇微時佩一刀長三尺上有銘字難識

傳云殷高宗伐鬼方時所作也上皇遊豐沛山中寓居

窮谷有人治鑄上皇息其旁問曰鑄何器工者笑曰為

天子鑄劍慎勿言曰得公佩劍雜而治之即成神器可

克定天下昂星精為輔佐木衰火盛此為異兆上皇解

七首投爐中劍成殺三牲以饗祭之工問何時得此上

皇曰秦昭襄王時余行陌上一野人授余云是殷時靈

物工即持劍授上皇上皇以賜高祖高祖佩之斬白蛇

是也及定天下藏於寶庫守藏者見白氣如雲出戶狀

若龍蛇呂后改庫曰靈金藏惠帝即位以此庫貯禁兵

器名曰靈金內府

倉

太倉蕭何造在長安城外東南文景節儉大倉之粟紅腐而不可食
細柳倉嘉倉在長安西渭水北古微西有細柳倉城東有嘉嘉倉

廐

未央大廐在長安故城中漢官儀曰未央宮六廐長樂承華等廐今皆秩六百石
翠華廐大廐果馬廐軹山廐騎馬廐大苑廐胡河廐駒駟廐皆在長安城外
霸昌觀馬廐在長安城外

都廐天子車馬所在
中廐皇后車馬所在

圈

秦獸圈烈士傳云秦王召魏公子無忌不行使朱亥奉璧一雙詣秦秦王怒使置亥於獸圈中亥瞋目視獸皆血濺於獸面獸不敢動

漢獸圈九氣圈一在未央宮中文帝問上林尉及馮媛當熊皆此處獸圈上有樓觀

橋

橫橋三輔舊事云秦造橫橋漢承秦制廣六丈三百八十步置都水令以掌之號為石柱橋

渭橋秦始皇造渭橋重不能勝乃刻石作力士孟賈等像祭之乃可動今石人在

霸橋在長安東跨水作橋漢人送客至此橋折柳贈別

王莽時霸橋災數千人以水沃救不滅更霸橋為長為橋

便門橋武帝建元二年初作此橋在便門外跨渭水通

茂陵長安城西門曰便門此橋與門對直因號便橋

飲馬橋在宣平城門外

陵墓漢諸陵先據屬太常令各依其地界屬三輔

漢太上皇陵高帝葬太上皇於櫟陽北原因置萬年縣

於櫟陽大城內以為奉陵邑其陵在東者大上皇西者

昭靈后也高祖初居櫟陽故太上皇因在

高祖長陵在渭水北去長安城三十五里按高祖本紀

十二年四月甲辰崩于長樂宮五月葬長陵長陵山東

西廣一百二十步高十三丈長陵城周七里百八十步

因為殿垣門四出及便殿掖庭諸官寺皆在中

呂后陵在高祖陵東按史記外戚世家高后合葬長陵

注云漢帝后同坐則為合葬不合陵也

惠帝安陵去長陵十里按本紀惠帝七年八月戊寅崩

于未央宮葬安陵在長安城北三十五里安陵有果園

鹿苑云

文帝霸陵在長安城東七十里因山為藏不復起墳就

其水名因以為陵號

景帝陽陵在長安城東北四十五里按景帝五年作陽陵起邑陽陵山方百二十步高十丈

武帝茂陵在長安城西北八十里建元二年初置茂陵邑制縣也本槐里縣之茂鄉故曰茂陵周回三里三輔

舊事云武帝於槐里茂鄉徙戶一萬六千置茂陵高一十四丈一百步茂陵園有鶴觀作戶一萬六千本

昭帝平陵在長安西北七十里去茂陵十里帝初作壽陵令流水而已石擲廣一丈二尺長二丈五尺無得起

墳陵東北作廡長三丈五步外為小厨裁足祠祝萬年之後掃地而祭

宣帝杜陵在長安城南帝在民間時好遊鄠杜間故葬此

元帝渭陵在長安北五十六里

成帝延陵在扶風去長安六十二里北曰成帝於霸陵

即武帝之王莽時遣使壞渭陵延陵園門采魚曰母使廢陵也民復思也又以墨色洿其周垣

哀帝義陵在扶風渭城西北原上去長安四十六里

平帝康陵在長安北六十里興平原口

文帝母薄姬南陵在霸陵南故曰南陵即今所謂薄陵也

昭帝母趙婕妤雲陵在雲陽甘泉宮南今人呼為女陵

李夫人墓東西五十步南北六十步高八丈在茂陵西

北一里俗名英陵亦云集德臺曰高三十丈周

王莽妻死葬渭陵長壽園偽謚曰孝穆皇后僭號億年

陵舊本云德年陵王壽妻死諡曰孝穆

雜錄

問

漢宮中謂之禁中謂宮中門閣有禁非侍衛通籍之臣不得妄入通籍謂其於門通出入禁門也籍者為相聽乃行道豹尾中亦視禁中謂天子出行豹尾中至孝元皇后父名禁避之改曰省中省察也言出入禁中皆當省察不可妄也

鹵簿天子出車駕次第謂之鹵簿有大駕有法駕有小駕大駕則公卿奉引大將軍參乘大僕御屬車八十一乘古者諸侯二車九乘法駕六用其車服漢休秦制故大駕八十一乘屬者言相屬不絕也作三行尚書御史乘之備十乘萬騎出長安出祠天於甘泉

備之百官有其儀姓名曰甘泉鹵簿法駕京兆尹奉引侍中參乘奉車郎御屬車三十六乘北郊明堂則省副車小駕祠宗廟用之

清道謂天子將出或有齋祠先令道路掃灑清淨

靜室天子出入警蹕舊典行幸所至必遣靜室令先按

行清淨殿中以虞非常謹詔轉錄曰天子所至幸時

輿被其澤以饒

離宮天子出遊之宮也

行在所天子以四海為家不以京師宮室居處為常則

當乘車輿以行天下妖紆之至尊臣下不敢譏之輿所至奏事皆曰行在

輿所至奏事皆曰行在

陛下陞所由陞堂也天子必有近臣執兵階陛以戒不
虞臣下與天子言不敢指斥天子故呼在殿陛下以告
之故稱陛下因卑達尊之意也上書亦如之如羣臣士
庶相與語曰閣下足下之屬

繭館漢宮闕疏云上林苑有繭館蓋蠶繭之所也

蠶室行腐刑之所也司馬遷下蠶室

鍾室在長樂宮高祖縛韓信置鍾室中

作室上方工作之所

長安御溝謂之揚溝謂植高揚於其上也

闕觀也周置兩觀以表宮門其上可居登之可以遠觀

故謂之觀人臣將朝至此則思其所闕

諸水俱接連

塾門外舍也臣來朝君至門外當說合更熟詳所應對
之事塾之言熟掖門在兩傍如人臂掖也

闈闈宮中小門也

永巷永長也宮中之長巷幽閉宮女之有罪者武帝時

改為掖庭置獄焉列女傳周宣王姜后

蠻夷邸在長城內藁街此藁街藁街名蠻夷在

關中八水皆出入上林苑○霸水出藍田谷西北入渭

○澧水亦出藍田谷北至霸陵入渭○涇水出豳西首陽縣鳥鼠

陽開頭山東至陽陵入渭○渭水出隴西首陽縣鳥鼠

同穴山東北至華陰入河○豐水出鄠南山豐谷北入


渭○鎬水在昆明池北○牢水出鄠縣西南入潦谷北

渭 流入渭中滿水在杜陵從皇子陂西北流經昆明池入

此本括長洲十里顧若松壽傳銘題若又泛吾邑毛奉孝校宋本
錄出者也首尾通為一卷由隋志合元本有鈎記行款係每葉十行
每十字五十二字等語其中有缺而未鈎幾字之數去其從全篇中
面目今上五續尚餘中有字并缺疑難者甚多西通及存疑
可備參考者並著于滿云時道元夏蓋前日杜陵后古邑於校注

三輔黃圖卷之六終





律